



ՊԱՏԻՎ ՈՒՆԵՄ



ՀԻՄՆԱԿՈՐ ԳԻՏԵԼԻՔՈՎ ԴԵՊԻ ԱՐՇԱՆԱՊԱՏԻՎ ԾԱՌԱՅՈՒԹՅՈՒՆ Թիվ 9(24), 30 նոյեմբերի, 2019թ.

ՀՀ ՈՍՏԻՎԱՆՈՒԹՅԱՆ ԿՐԹԱՐԱՍՄԱԼԻՐԻ ՊԱՇՏՈՆԱԹԵՐԹ

ՄԻՋԱԶԳԱՅԻՆ ՈՍՏԻՎԱՆԱԿԱՆ ՖՈՐՈՒՄ ՉԻՆԱՍՏԱՆԻ ՀԱՆՐԱՅԻՆ ԱՆԿՏԱՆԳՈՒԹՅԱՆ ՀԱՄԱԼՍԱՐԱՆՈՒՄ



2019 թվականի նոյեմբերի 10-ից 15-ը Չինաստանի ժողովրդական Հանրապետության հանրային անվտանգության համալսարանում անցկացվեց Ոստիկանական կրթական համագործակցության միջազգային ֆորումի գործադիր կոմիտեի առաջին նիստը, որին մասնակցում էին 19 երկրներից 25 ոստիկանական ուսումնական հաստատությունների ներկայացուցիչներ: ՀՀ ոստիկանության կրթահամալիրը ներկայացնում էին կրթահամալիրի պետ, ոստիկանության գեներալ-մայոր Մ. Բաբայանը և միջազգային համագործակցության և ՏՏ ներդրման բաժնի ավագ տեսուչ, ոստիկանության ավագ լեյտենանտ Է. Կարապետյանը: Միջազգային ոստիկանական 11-րդ ֆորումի բացման հանդիսավոր արարողությանը ողջույնի խոսքով հանդես եկավ Չինաստանի Հանրային անվտանգության համալսարանի նախագահ Ցաո Շիքուան՝ նշելով. «Ոստիկանական կրթական համագործակցության միջազգային ֆորումն ստեղծում է բաց հարթակ, որը նպաստում է ակադեմի-

ան կրթականությունների տարածմանը, մասնագիտական վերապատրաստմանը և միջազգային համագործակցության ամրապնդմանը»:
Ֆորումի շրջանակներում անցկացվեց «Կիրբերհանցավորության դեմ պայքար» թեմայով գիտական համաժողով: Համաժողովի ընթացքում տարբեր երկրների ոստիկանությունների ներկայացուցիչներ խոսեցին իրենց երկրներում կիրբերհանցավորության զարգացման, հետաքննության, ապացույցների հավաքման, կիրբերհանցավորության դեմ պայքարի ուղիների և միջազգային համագործակցության մասին: ՀՀ ոստիկանության կրթահամալիրի կողմից «Կիրբերհանցավորությունը Հայաստանի Հանրապետությունում. արդի իրավիճակը և միտումները» թեմայով զեկույցով ելույթ ունեցավ Էլյա Կարապետյանը:
Ոստիկանական կրթական համագործակցության միջազգային ֆորումի գործադիր կոմիտեի (IFPEC) նիստում ընտրվեց ֆորումի պաշտոնական տարբերանշանը, վերանայվեց 2020-2022 թվականների ընթացքում ֆորումի գործունեության պլանը և որոշվեց 2020թ. հերթական համոդիպումն անցկացնել Պեկինում:
Միջոցառման ընթացքում տեղի ունեցան մի շարք հանդիպումներ: Չինաստանի հանրային անվտանգության համալսարանի փոխնախագահ Քսի Յանլիի հետ հանդիպման ընթացքում չինական կողմը ՀՀ ոստիկանության կրթահամալիրի պետ, ոստիկանության գեներալ-մայոր Մ. Բաբայանին իր պատրաստակամությունը հայտնեց կրեդիտային շարժումության շրջանակներում իրենց բուհում ընդունելու կրթահամալիրի սովորողներին:
Իրանի Իսլամական Հանրապետության Ամինի միջազգային ոստիկանական ակադեմիայի նախագահ Հասան Ջավադի Նիկանիի նախաձեռնությամբ տեղի ունեցավ հանդիպում կրթահամալիրի պետ Մ. Բաբայանի հետ, որի ընթացքում քննարկվեցին հետաքրքրություններ կայացնող մի շարք հարցեր, և համագործակցության ուղղությամբ նախնական համաձայնություն ձեռք բերվեց:
Ուզբեկստանի Հանրապետության ՆԳՆ ակադեմիայի պետ, գեներալ-լեյտենանտ Բախտդիր Մատյուբովի հետ հանդիպման ընթացքում ևս ուսումնական ծրագրերի համեմատական վերլուծություն (թեմա՝ արքիվ) իրականացնելու համաձայնություն ձեռք բերվեց:
Կրթահամալիրի ներկայացուցիչները երկուստեք հետաքրքրություն ներկայացնող մի շարք հարցեր քննարկեցին նաև Իտալիայի Անդրազգային կազմակերպված հանցավորության դեմ պայքարի և կանխարգելման միջազգային բարձրագույն դպրոցի նախագահի և Լոնդոնի ոստիկանական քոլեջի նախագահի ղեկավարած պատվիրակության հետ:
Էլյա Կարապետյան
ոստիկանության
ավագ լեյտենանտ

ՏԻԳՐԱՆ ԵՍԱՅԱՆԸ ՆՇԱՆԱԿԿԵԼ Է ՀՀ ՈՍՏԻՎԱՆՈՒԹՅԱՆ ՊԵՏԻ ՏԵՂԱԿԱԼԻ ՊԱՇՏՈՆԻՆ



Համաձայն ՀՀ նախագահի 2019թ. նոյեմբերի 27-ի ՆՀ-264-Ա հրամանագրի՝ ՀՀ ոստիկանության կրթահամալիրի պետի առաջին տեղակալ, ոստիկանության գնդապետ, իրավաբանական գիտությունների թեկնածու Տիգրան Միքայելի Եսայանը նշանակվել է ՀՀ ոստիկանության պետի տեղակալի պաշտոնին:
ՀՀ ոստիկանության կրթահամալիրի ամբողջ անձնակազմը շնորհավորում է նորանշանակ փոխտեղակալին և մաղթում մասնագիտական ու աշխատանքային նորանոր վերելքներ՝ ի նպաստ Հայաստանի Հանրապետության բարօրության:

ՄԻՋԱԶԳԱՅԻՆ ՀԱՄԱԳՈՐԾԱԿՑՈՒԹՅԱՆ ՆՈՐ ՀԱՐԹԱԿՆԵՐ



edupolice.am

2019 թ. ընթացքում ՀՀ ոստիկանության կրթահամալիրում ավելի մեծ թափով շարունակում է երկկողմ և բազմակողմ սերտ համագործակցությունն օտարերկրյա պետությունների ոստիկանական ուսումնական հաստատությունների և ՀՀ-ում գործող միջազգային կազմակերպությունների հետ:
Այդպիսի համագործակցության դրսևորումներից էր նաև ԱՄՆ դեսպանատան հետ գործընկերային կապը, որի շրջանակում հոկտեմբերին Կրթահամալիրում էին ԱՄՆ դեսպանատան անվտանգության ծառայության պետ Քեվին Թիլհանան, դեսպանատան ներկայացուցիչներ Քելլի Սքոթ-Նին և Անի Հակոբյանը:
Հանդիպման հիմնական նպատակն էր «Բանավոր պատկերների մեթոդիկայի կիրառումն օպերատիվ-հետախուզական միջոցառումների (ՕՀՄ) իրականացման ընթացքում» թեմայով դասընթացի անցկացումն ու փորձի փոխանակումը:
Դասախոսությունների ընթացքում ԱՄՆ փորձագետները ներկայացրին տարվող աշխատանքները, գրանցված արդյունքները և իրականացված միջոցառումները: Կողմերը նաև քննարկեցին իրականացվող դասընթացների արդյունքները և փոխադարձ հետաքրքրություններ կայացնող մի շարք հարցեր:
Կրկին հանդիպում նոյեմբերին. այս անգամ Կրթահամալիրում էին ԱՄՆ դեսպանության թնրամիջոցների դեմ պայքարի և իրավապահ համագործակցության բաժնի իրավական հարցերով ավագ խորհրդատու Ադի Յոլովեյը, ԱՄՆ հետաքննությունների դաշնային բյուրոյի գործակալ Աննա Հակոբյանը և ԱՄՆ դեսպանատան թնրամիջոցների դեմ պայքարի և իրավապահ համագործակցության ծրագրի ազգային համակարգող Մարիցա Հովհաննիսյանը:

ՄԻՋԱԶԳԱՅԻՆ ՀԱՄԱԳՈՐԾԱԿՑՈՒԹՅԱՆ ՆՈՐ ՀԱՐԹԱԿՆԵՐ

Ադի Հոլովեյը ներկայացրեց «ԱՄՆ պարեկային ոստիկանություն» թեմայով իր դասախոսությունը, որի շրջանակներում պատմեց պարեկային ոստիկանությունում կատարած իր գործունեության, ԱՄՆ-ում պարեկային ոստիկանության կառուցվածքային առանձնահատկությունների, նյութատեխնիկական միջոցների, ուսուցման, աշխատանքի ընդունվելու կարգի, գործառույթների, առաքելության մասին:

Ելույթ ունեցավ նաև ԱՄՆ Վաշինգտոնի «Վեթաքննությունների դաշնային բյուրոյի առաքելությունը Հայաստանում» թեմայով դասախոսությանը ներկայացրեց Վեթաքննությունների դաշնային բյուրոյի պատմությունը, գործառույթներն ու առաքելությունը, պատմեց իր աշխատանքային ուղու մասին:



Այս համատեքստում հնչեցին առաջարկություններ, և բանախոսները նշեցին, որ այսպիսի դասախոսությունները ոստիկանության պրակտիկ աշխատանքի կազմակերպման և կատարելագործման ևս մեծ խթան են:

2019թ. տարեվերջյան միջազգային հանդիպումներն այսքանով չեն սահմանափակվում. առջևում դեռ նոր ծրագրեր և նոր հանդիպումներ են:

ՈՒՍԱՆՈՂՆԵՐԸ ՏՈՆՈՒՄ ԵՆ ՈՒՍԱՆՈՂՈՒԹՅԱՆ ՕՐԸ

Թեպետ նոյեմբերյան տոնացույցն այնքան էլ հարուստ ու զուլանագարդ չէ, բայց, այնուամենայնիվ, սիրված է ուսանողության կողմից: Իհարկե, ինչպես կասեր շուրջ ուսանողը. «Քննություն հանձնելը մեզ համար միշտ էլ տոն է», բայց մենք, ավելի լավ է առանց ավելորդ պաթոսի, տոնենք նոյեմբերի 17-ը Ուսանողների միջազգային օրը: Քչերը գիտեն, որ Ուսանողության միջազգային օրը նշվել է դեռ 1939 թվականի հոկտեմբերի 28-ից. ֆաշիստների կողմից գրավված Չեխոսլովակիայում ուսանողները և դասախոսները դուրս են գալիս փողոց, որպեսզի նշեն Չեխոսլովակիայի պետության կազմավորման (1918-ի հոկտեմբերի 28) տարեդարձը: Սակայն խաղաղ ցույցը ցրվում է գավթիչների կողմից: Այդ իրադարձությունների ժամանակ գնդակահարվում է բժշկական ֆակուլտետի ուսանող Յան Օպլետալը, ում հուղարկվողությունը վերածվում է բողոքի ակցիայի, ձերբակալվում են տասնյակ ուսանողներ: Նոյեմբերի 17-ի վաղ առավոտյան գետապայթյալներն ու խեսականները շրջապատում են ուսանողական հանրակացարանները: Շուրջ 1200 ուսանող ձերբակալվում և ուղարկվում է Ջաքսենհաուզենի համակենտրոնացման ճամբար: Տասնյակ



ուսանողներ ու շարժման ակտիվիստներ բանտում առանց դատի ենթարկվում են մահապատժի: Հիտլերի հրամանով չեխական բոլոր բարձրագույն ուսումնական հաստատությունները փակվում են մինչև պատերազմի ավարտը:

Երկու տարի անց Լոնդոնում տեղի է ունենում ֆաշիզմի դեմ պայքարող ուսանողների միջազգային համընկում, որի ժամանակ որոշվում է նոյեմբերի 17-ն ամեն տարի նշել որպես ուսանողի օր՝ ի հիշատակ մահատակ հայրենասեր ուսանողների: 1946 թվականի նոյեմբերի 17-ին Պրահայում ընթացող Ուսանողների համաշխարհային կոնգրեսն այդ օրը հռչակում է Ուսանողության միջազգային օրը:

Ուսանողության միջազգային օրվա խորհուրդը փոքր-ինչ տխուր նախաբան ունի, բայց ուսանողները մեծ ոգևորությամբ են այն նշում, քանզի այդ տարիները մարդու կենսագործունեության ամենակատիվ և ամենահետաքրքիր ժամանակաշրջանն է: Ուսանող ձեռք է բերում բարձրագույն կրթություն, մասնագիտություն, նոր ծանոթություններ և ընկերներ, շփվում է տարբեր և հետաքրքիր մարդկանց հետ, կատարում ինքնուրույն քայլեր և ըստ իր նախասիրությունների՝ կազմակերպում իր ժամանցը: Այս անփոխարինելի տարիները թողնում են անցնելի հետք՝ ուսանողին նախապատրաստելով կյանքի տարբեր մարտահրավերների:

Ս. Խերամյան

ՀՀ ՈՍՏԻՎԱՆՈՒԹՅԱՆ ՊԱՏՄՈՒԹՅԱՆ ԹԱՆԳԱՐԱՆԸ 42 ՏԱՐԵԿԱՆ Է

Հայաստանի ոստիկանությունն անցել է մեծ ու պատասխանատվությամբ լի տատասկոտ ճանապարհ, սակայն ամենուրեք նվիրումով ծառայել է իր պետությանն ու հասարակությանը: Այդ դժվարին ճանապարհին շատ նվիրյալներ են իրենց կյանքը զոհաբերել՝ հանուն օրինակելի հասարակական կարգի ստեղծման ու քաղաքացիների սահմանադրական իրավունքների ապահովման: Պատմական արժեք ներկայացնող այդ պայքարի շատ փաստաթղթեր, դեպքերին առնչվող շատ առարկաներ չեն պահպանվել, իսկ ինչ որ պահպանվել է, գտնվել է կամ արխիվային փաստաթղթերում, կամ առանձին քաղաքացիների մոտ: Ներքին գործերի աշխատակիցների անձնուրաց ու հերոսական անցյալի մասին հիշարժան դրվագներ պահպանելու, հաջորդող սերնդին նրանց օրինակով կրթելու և ոգևորելու համար անհրաժեշտություն առաջացավ թանգարան ստեղծել: 2019թ. վերջերին Հայաստանի միլիցիայի հիմնադրման 50-ամյակի տոնակատարության օրերին, հանրապետության ներքին գործերի նախարարը (այն ժամանակ՝ մինիստրը) հրաման արձակեց թանգարան ստեղծելու մասին, սակայն այդ ժամանակ չստեղծվեց: Եվ միայն 1977թ. Հայկական ՍՍՀ ներքին գործերի մինիստրի հրամանով և ԵԳՄ կուսակցական կոմիտեի որոշմամբ ստեղծվեց Հայկական ՍՍՀ ԵԳՄ մարտական և աշխատանքային փառքի թանգարան:

Երևանի միլիցիայի միջնակարգ մասնագիտական դպրոցի շենքում 1977թ. նոյեմբերի 10-ին տեղի ունեցավ Հայաստանի Սովետական Սոցիալիստական Հանրապետության ներքին գործերի մինիստրության մարտական և աշխատանքային փառքի թանգարանի բացումը, որը նվիրված էր Հոկտեմբերյան սոցիալիստական մեծ հեղափոխության և սովետական միլիցիայի ստեղծման 60-ամյակին: Ոստիկանության թանգարանի հիմնադրումը ՀՀ ԵԳՄ կյանքում մեծ իրադարձություն էր, այն լայն արձագանք ունեցավ մամուլում և հեռուստառադիոյի եթերում:

Խորհրդային Հայաստանի մշակույթի նախարարությունը 1984թ. թանգարանին շնորհեց «Ժողովրդական թանգարան» պատվավոր կոչում, իսկ 1986թ. մշակույթի արժեքները հավաքելու, պահպանելու և իրազեկելու գործում ունեցած ակնառու հաջողությունների համար պարգևատրեց պատվոգրով:

1994թ. թանգարանը տեղափոխվեց ՀՀ ոստիկանության ուսումնական կենտրոն: ՀՀ ոստիկանության կոլեկտիվի հանձնարարությամբ



2010թ. օգոստոսին վերակառուցված թանգարանի աշխատանքները: Ոստիկանության կրթահամալիրի կազմավորման կապակցությամբ 2013թ. օգոստոսին, ՀՀ ոստիկանապետի հրամանի համաձայն, թանգարանը վերանվանվեց ՀՀ ոստիկանության պատմության թանգարան և տեղափոխվեց իր նախկին տեղը՝ ՀՀ ոստիկանության կրթահամալիր:

2015թ. հետևողական աշխատանքներ են կատարվել թանգարանի ֆոնդերի ուսումնասիրման, համալրման և հաշվառման ուղղությամբ: Մշակվել են թանգարանի հիմնական և օժանդակ ֆոնդերը: Դրանց հիման վրա մշակվել է մաս թեմատիկ պլան ըստ որի կատարվել են թանգարանային առարկաների ցուցադրման աշխատանքները:

Վերսկսման աշխատանքներից հետո թանգարան են համախել շուրջ 3000 այցելու՝ դպրոցականներ, քաղաքացիներ, սովորողներ, բուհերի ուսանողներ, վետերաններ:

Այսօր ՀՀ ոստիկանության պատմության թանգարանը 42 տարեկան է, և դարձյալ Հանրային ռադիոյի ուշադրության կենտրոնում. «Ժամանակի վկան» հաղորդաշարը հրավիրել էր թանգարանի հիմնադրման ակունքներում կանգնած ոստիկանության վետերան, պաշտոնաթող գնդապետ Ժորա Բարսամյանին և ՀՀ ոստիկանության համակարգում ավելի քան 36 տարի աշխատած, այժմ ՀՀ ոստիկանության կրթահամալիրի ՀՀ ոստիկանության պատմության թանգարանի առաջատար մասնագետ,

նադրման ակունքներում կանգնած նվիրյալների անունները, որոնք ջանք չեն խնայել հայոց միլիցիայի պատմության նվիրական էջերն անմահացնելու գործում: Նրանք եղել են հանրապետության շատ քաղաքներում և գյուղերում, հանդիպել են վետերանների հետ, ուսումնասիրել արխիվային փաստաթղթերը: Թանգարանի ստեղծման գործում որոշակի աջակցություն է ցուցաբերել ԽՍՀՄ ԼՂԿ կենտրոնական թանգարանը, որը տրամադրել է Հայաստանում սովետական իշխանության հաստատման պատմության, ինչպես նաև միլիցիայի գործունեության վերաբերյալ փաստաթղթերի պատճեններ:

ՀՀ ոստիկանության կրթահամալիրում նոյեմբերի 11-ին տոնակատարման օրվա ընթացքում ՀՀ ոստիկանության պատմության թանգարանի 42-րդ տարեդարձը:

Միջոցառմանը ներկա էին Կրթահամալիրի ղեկավարությունը, ոստիկանության վետերաններ, սովորողներ:

Հանդիսության սկզբում ողջույնի խոսք ասեց թանգարանի առաջատար մասնագետ Դավիթ Հովսեփյանը, որը հանգամանալից ներկայացրեց թանգարանի անցած ուղին, ապա խոսքը փոխանցեց ՀՀ ոստիկանության պաշտոնաթող գնդապետ Ժորա Բարսամյանին, իսկ վերջինս պատմեց թանգարանի ստեղծման վերաբերյալ իր հուշերը, ելույթ ունեցավ նաև թանգարանի նախկին առաջատար մասնագետ, ոստիկանության պաշտոնաթող գնդապետ Արթուր Ծատուրյանը: Միջոցառման ամփոփեց Կրթահամալիրի պետի առաջին տեղակալ, ոստիկանության գնդապետ Տ. Եսայանը, որն ընդգծեց թանգարանի կարևորությունն ապագա սերունդներին հայրենասեր և պատվախնդիր դաստիարակելու գործում:

Հանդիսության վերածվեց գրական ցերեկույթի, երբ Կրթահամալիրի սովորողներն ասումներեցին Եղիշե Զարենցի, Պարույր Սևակի, Համո Սահյանի բանաստեղծությունները:

Վերջում ոստիկանության պաշտոնաթող գնդապետներ Ժորա Բարսամյանը և Էդիկ Զիբուլիսյանն իրենց տպավորությունները գրանցեցին պատվավոր հիշատակի մատյանում:

Միջոցառմանը շարունակվեց նաև կրթահամալիրի տարածքում. Կրթահամալիրի ռադիոցանցով հեռարձակվեց ՀՀ հանրային ռադիոյի հաղորդումը՝ նվիրված ոստիկանության պատմության թանգարանի 42 - ամյակին:

